

ანგარიში მხარჯავი დაწესებულების პროგრამის და

ქვეპროგრამების შესახებ

შს სსდ - საგანგებო სიტუაციების მართვის სამსახური  
კოდი 30 06

(საბიუჯეტო ორგანიზაციის დასახელება, პროგრამული კოდი)

სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება.

პროგრამის დასახელება და პროგრამული კოდი: სამოქალაქო უსაფრთხოების დონის ამაღლება, სახელმწიფო მატერიალური რეზერვების შექმნა და მართვა (30 06)

პროგრამის განმახორციელებელი: საქართველოს შინაგან საქმეთა სამინისტროს სახელმწიფო საქვეუწყებო დაწესებულება - საგანგებო სიტუაციების მართვის სამსახური და სამსახურის მმართველობის სფეროში მოქმედი საჯარო სამართლის იურიდიული პირი - სახელმწიფო რეზერვებისა და სამოქალაქო უსაფრთხოების სერვისების სააგენტო

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებული გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 06	სამოქალაქო უსაფრთხოების დონის ამაღლება, სახელმწიფო მატერიალური რეზერვების შექმნა და მართვა	75,301	84,942	62,387	73.45%	484
30 06 01	სამოქალაქო უსაფრთხოების დონის ამაღლება	74,873	84,108	61,746	73.41%	
30 06 01	სამოქალაქო უსაფრთხოების დონის ამაღლება <i>(ფულადი გრანტი)</i>		406	333	82.02%	
30 06 02	მატერიალური რეზერვების შექმნა და მართვა	428	428	308	71.94%	484

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

1. ღონისძიების დასახელება: ქვეყანაში სამოქალაქო უსაფრთხოების დონის ამაღლება:

1.1 შეფასების ინდიკატორი: ინციდენტებზე/საგანგებო სიტუაციებზე რეაგირება და მათი პრევენცია.

- საანგარიშო პერიოდში 45 795 ბუნებრივ, ტექნოგენურ და სხვა საგანგებო სიტუაციაზე განხორციელდა შესაბამისი რეაგირება, მათ შორის იყო ხანძრები/აფეთქებები/აფეთქების საფრთხეები, ავარიები ქიმიურად საშიში ნივთიერებების გაჟონვით ან გაჟონვის საშიშროებით, ავარიები ელექტრო-ენერგეტიკულ სისტემებში, შენობების/ნაგებობების/ქანების მოულოდნელი ჩამოქცევა, სახიფათო გეოფიზიკური და გეოლოგიური მოვლენები, სამთო და წყალზე სამაშველო ღონისძიებები და სხვა;

- სახანძრო-სამაშველო ძალების დეპარტამენტის სტრუქტურული დანაყოფების ხელმძღვანელ თანამდებობებზე (მთავარი სამმართველოს უფროსი და უფროსის მოადგილე, სამმართველოს უფროსი და უფროსის მოადგილე, განყოფილების უფროსი და უფროსის მოადგილე) დანიშნული მოსამსახურეების მზადყოფნის ამაღლების, უნარ-ჩვევების განვითარებისა და შესაბამისი შეფასების მიზნით, ჩატარდა მართვის

ოპერაციული დონის სამეთაურო კურსები. აღნიშნულ კურსში გაწერილი პროგრამის მიხედვით სწავლება ჩაატარეს სახანძრო-სამაშველო ძალების დეპარტამენტიდან ადმინისტრირების მთავარი სამმართველოს უფროსის მოადგილემ ოთარ კუხალაიშვილმა და ცენტრალური კოორდინაციის მთავარმა ინსპექტორმა (ფსიქოლოგი) მარიამ გვილაგამ;

- სამსახურის ფსიქოლოგის მიერ აჭარისისა და იმერეთის საგანგებო სიტუაციების მართვის მთავარი სამმართველოს მეხანძრე-მაშველებს ჩაუტარდა ფსიქოთერაპიის სესიები როგორც, პირისპირ ასევე დისტანციურად, რომლის მიზანს წარმოადგენდა მეხანძრე-მაშველების ფსიქო-ემოციური მდგომარეობის შეფასება, ფსიქოგანათლება და ტრამვებზე ფოკუსირებული ფსიქოთერაპია. ფსიქოთერაპიული სესიის მიზანი იყო თერაპიაში მონაწილე მეხანძრე-მაშველების მეხსიერებაში დარჩენილი ტრამვეული ეპიზოდების გადამუშავება;

- სამსახურის მოსამსახურეების მიერ საანგარიშო პერიოდში განხორციელდა სახანძრო-სამაშველო ძალების დეპარტამენტის სტრუქტურული დანაყოფების საბრძოლო მზადყოფნის შემოწმება, გასატარებელი ღონისძიებების ეფექტურად დაგეგმვისა და ხარვეზების არსებობის შემთხვევაში შემდგომში მათი აღმოფხვრის მიზნით;

- სამსახურის მეხანძრე-მაშველთა კვალიფიკაციის ამაღლების მიზნით, სამსახურის მოსამსახურეების მიერ პერიოდულად ტარდება მეხანძრე-მაშველთა სასწავლო-თეორიული ტრენინგი, რომლის მიზანსაც წარმოადგენს მსმენელები გაეცნონ სხვადასხვა სახის საგანგებო სიტუაციების დროს მოქმედების წესებს, გაითავისონ და გამოიმუშაონ საგანგებო სიტუაციების დროს საჭირო ქცევის და მოქმედების უნარ-ჩვევები;

- ხულოს ადგილობრივი მუნიციპალიტეტის წარმომადგენლებისათვის მოხალისის ინსტიტუტის შესახებ ცნობიერების ამაღლების მიზნით, სამსახურის მოსამსახურეების მიერ განხორციელდა სამუშაო შეხვედრები;

- ზაფხულის საკურორტო სეზონის განმავლობაში ინციდენტების/საგანგებო სიტუაციების პრევენციის მიზნით, სამსახურის მიერ შემუშავდა საკურორტო ზონებზე სამსახურის დანაყოფების სამოქმედო გეგმები;

- სამსახურის მოსამსახურეების მიერ განხორციელდა შსს სსიპ-„112“-ის ოპერატორებისა და დისპეტჩერების გადამზადება შინაგან საქმეთა სამინისტროს სსიპ „112“-ში “ დანერგული ახალი პროგრამის „ProQa“ მოხმარებასა და პროტოკოლებში. პროგრამის შესწავლის მიზანს წარმოადგენდა სპეციალური სახანძრო-სამაშველო, საპოლიციო და სამედიცინო პროტოკოლების გამოყენებით ინციდენტის პრიორიტეტის მაღალი სიზუსტით დადგენა და შესაბამისი სატელეფონო ინსტრუქციების გაცემა;

- ტყის ხანძრების ქრობისთვის საჭირო ქცევის წესებისა და მოქმედების უნარ-ჩვევების გამომუშავების მიზნით, სამსახურის მოსამსახურეებმა ტრენინგი ჩაუტარეს სსიპ - ეროვნული სატყეო სააგენტოს თანამშრომლებს;

- სამსახურის მოსამსახურეებმა მონაწილეობა მიიღეს სხვადასხვა სპეციალიზირებულ სწავლებებში, კერძოდ: ონლაინ ტრენინგის კურსი უსადენო ინფორმაციული სისტემის შესახებ; საგანგებო სიტუაციებზე რეაგირების პირთათვის (WISER) და საგანგებო სიტუაციებზე რეაგირების სახელმძღვანელოს (ERG) აღმოსავლეთ ევროპის ქბრბ პირველი მორეაგირეთათვის; აშშ-ს თავდაცვის საფრთხეების შემცირების (DTRA) სააგენტოს მიერ ქბრბ მიმართულებით ორგანიზებული ტრენინგით ტრენინგი; საზღვაო ოპერაციების ერთობლივი მართვის ცენტრის მრავალუწყებრივ სწავლება (JMOC TTX); აშშ თავდაცვის თანამშრომლობის ოფისის (US ODC) მიერ ორგანიზებული წყალზე სამაშველო პრაქტიკული სწავლება; სამოქალაქო თავდაცვის საერთაშორისო ორგანიზაცია ICDO-ს მიერ ყირგიზეთის რესპუბლიკაში გამართული სამთო-სამაშველო და მყვინთავთა სწავლება; აშშ-ს თავდაცვის საფრთხეების შემცირების სააგენტოს (DTRA) მხარდაჭერით ქ. ბათუმში გაიმართა საქართველოს საზღვაო სივრცის სამართლებრივი რეჟიმის კონტროლის უზრუნველყოფის მიზნით სახელმწიფო საზღვრის დაცვის სუბიექტებისა და სახელმწიფო სასაზღვრო რეჟიმის დაცვასთან დაკავშირებული საქართველოს აღმასრულებელი ხელისუფლების ორგანოების საზღვაო ოპერაციების ერთობლივი მართვის ცენტრის უწყებათაშორისი სამაგიდო სწავლება (JMOC TTX 2021; ჩრდილოეთ მაკედონიაში ნატო-ს კატასტროფებზე რეაგირების ევროატლანტიკური საკოორდინაციო ცენტრის (EADRCC) ეგიდით გაიმართება სწავლება „ჩრდილოეთ მაკედონია 2021“; NATO SNGP ფორმატის ფარგლებში გაიმართა, დანიის საგანგებო სიტუაციების მართვის სამსახურის ხელმძღვანელობით თეორიული და პრაქტიკული სწავლება რომელიც შეეხებოდა საგანგებო სიტუაციების დროს სამხედრო-სამოქალაქო თანამშრომლობის განვითარებას;

- კახეთის რეგიონის ახმეტის მუნიციპალიტეტის სოფელ დუისში (პანკისის ხეობა), სახელმწიფო უსაფრთხოების სამსახურის სსიპ-საქართველოს ოპერატიული სააგენტოს კომუნიკაციების სამმართველოს სპეციალისტებთან ერთად, რადიოკავშირის ხარისხის გაუმჯობესების მიზნით "TETRA"-ს საბაზო საიტზე განხორციელდა ტექნიკური სამუშაოები;

- სახანძრო-სამაშველო დანაყოფების მართვისა და კონტროლის მხარდაჭერის მიზნით, სამსახურის სტრუქტურულ და ტერიტორიულ ქვედანაყოფებში მოეწყო საკომუნიკაციო ქსელის დამატებითი ხაზები, ასევე მათ გადაეცათ და დაუმონტაჟდათ IP ტელეფონის აპარატები ნომრების მინიჭებით;

- ზაფხულის საკურორტო სეზონთან დაკავშირებით, სამსახურის წყალზე სამაშველო დანაყოფში (მის. ქ. თბილისი, ქ. თბილისის ზღვის ცენტრალური პლაჟის მიმდებარე ტერიტორია), შსს სსდ-საგანგებო სიტუაციების მართვის სამსახურის საკომუნიკაციო ქსელის ჩართვისა და მოწყობის მიზნით დამონტაჟდა 4 (ოთხი) ცალი რადიო-სარელო ანტენა: შსს სსდ-საგანგებო სიტუაციების მართვის სამსახური (გორგასლის ქ. 81ა, B კორუსი) – 1 (ერთი) ცალი; სახელმწიფო დაცვის სპეციალური სამსახურის რადიო-სარეტრანსლიაციო ანძაზე (მახათის მთა) – 2 (ორი) ცალი; წყალზე სამაშველო დანაყოფი (ქ. თბილისის ზღვის ცენტრალური პლაჟის მიმდებარე ტერიტორია) – 1 (ერთი) ცალი;

- საანგარიშო პერიოდში, სამსახურმა საკუთარი ძალებით განხორციელა დმანისის სახანძრო-სამაშველო დანაყოფში (მის. ქ. დმანისი, წმინდა ნინოს ქუჩა №61) საკომუნიკაციო ქსელის აღდგენითი სამუშაოები;

- ინციდენტზე/საგანგებო სიტუაციაზე ინფორმაციის დროული მიღებისა და შესაბამისი რეაგირების უზრუნველყოფის მიზნით, სახანძრო-სამაშველო ძალების დეპარტამენტის სამეგრელო-ზემო სვანეთის საგანგებო სიტუაციების მართვის მთავარი სამმართველოს მარტვილისა და ჩხოროწყუს განყოფილებების ახლად აშენებულ შენობებში ჩართო შსს სსდ-საგანგებო სიტუაციების მართვის სამსახურის საკომუნიკაციო ქსელი, მოეწყო voip სატელეფონო და კომპიუტერული ქსელი, დამონტაჟდა TETRA სისტემის ციფრულ რადიოქსელში ჩართული MTM5400 საბაზო-სამაგიდო რადიოსადგური და Panasonic LC-R127R2PG აკუმულატორი;

- მუნიციპალიტეტში საგანგებო სიტუაციის რისკის ხარისხის, მოსალოდნელი შედეგების, მუნიციპალიტეტის ორგანოების მიერ საგანგებო სიტუაციის პრევენციისათვის განხორციელებული საქმიანობის შეფასებისა და მათ მიერ საგანგებო სიტუაციის რისკის შემცირების მიზნით ღონისძიებების შემუშავებისა და განხორციელების დასაგეგმად სამსახურის მიერ შემუშავებულ იქნა მუნიციპალიტეტის უსაფრთხოების პასპორტის შემუშავების წესი, რომელიც საქართველოს მთავრობის 2021 წლის 04 თებერვალს N48 დადგენილებით დამტკიცდა;

- კვალიფიკაციის ასამაღლებლად სამსახურის მოსამსახურეებმა მონაწილეობა მიიღეს სამცხე-ჯავახეთის რეგიონის ბორჯომის მუნიციპალიტეტში, წყალზე სამაშველო ოპერაციების ჩატარების მიმართულებით ამერიკის შეერთებული შტატების თავდაცვის თანამშრომლობის ოფისის (US ODC) მიერ ორგანიზებულ სწავლებაში, კავშირგაბმულობისა და საშტაბო მანქანის მოწყობის მიზნით;

- ინციდენტზე/საგანგებო სიტუაციაზე მდგომარეობის შეფასებისა და ეფექტიანი რეაგირების უზრუნველსაყოფად, სამსახურის სტრატეგიული დაგეგმვისა და ტექნოლოგიური განვითარების დეპარტამენტის მოსამსახურეების მიერ სახანძრო-სამაშველო ძალების დეპარტამენტის აჭარის საგანგებო სიტუაციების მართვის მთავარი სამმართველოს მეხანძრე-მაშველებს (დრონის პილოტები) დრონის მოხმარებისა და ტესტირების საკითხებზე ჩაუტარდათ სწავლება;

- სამსახურის მოსამსახურეებმა მონაწილეობა მიიღეს კახეთის რეგიონის საგარეჯოს მუნიციპალიტეტის სოფელი პალდოს მიმდებარედ, ტყის ხანძრების ქრობის კუთხით ჩატარებულ სწავლებაში „სამოქალაქო უსაფრთხოება 2021“;

**1.2 შეფასების ინდიკატორი:** ინციდენტების/საგანგებო სიტუაციების გამოწვევ ვაქტორებზე რეაგირება და პრევენცია.

- საანგარიშო პერიოდში სახანძრო-ტექნიკური შემოწმება ჩაუტარდა 1 149 ობიექტს, კერძოდ:
  - დეტალური სახანძრო-ტექნიკური შემოწმება ჩაუტარდა ზედამხედველობას დაქვემდებარებულ 710 ობიექტს;
  - მიზნობრივი სახანძრო-ტექნიკური შემოწმება (გამოკვლევა) ჩაუტარდა ზედამხედველობას დაქვემდებარებულ 253 ობიექტს;
  - საკონტროლო სახანძრო-ტექნიკური შემოწმება (გამოკვლევა) ჩაუტარდა ზედამხედველობას დაქვემდებარებულ 3 ობიექტს;
  - სახანძრო უსაფრთხოების სფეროს მარეგულირებელ ნორმებთან, ტექნიკურ რეგლამენტთან ან/და სტანდარტებთან შესაბამისობა (შეუსაბამობა) დაუდგინდა 157 ობიექტს;
  - შენობა-ნაგებობის სახანძრო-ტექნიკური შემოწმება სახანძრო უსაფრთხოების ზომების მომზადების მიზნით განხორციელდა 26 ობიექტზე;
- საანგარიშო პერიოდში სახელმწიფო სახანძრო ზედამხედველობას დაქვემდებარებულ საკითხებთან დაკავშირებით სამსახურის მიერ მომზადდა და გაიგზავნა 1 261 კორესპონდენცია, კერძოდ:
  - მიწის ნაკვეთზე შენობის სამშენებლოდ გამოყენების პირობების დადგენის შესახებ (პირველი სტადიის) შემოსული დაპროექტების დოკუმენტების განხილვის შედეგად მომზადდა და გაიგზავნა 409 რეკომენდაცია;

- შენობა-ნაგებობების არქიტექტურული პროექტის სახანძრო უსაფრთხოების მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენის თაობაზე (მეორე სტადია) შემოსული დაპროექტების დოკუმენტაციის განხილვის შედეგად მომზადდა და გაიგზავნა 742 რეკომენდაცია, მათ შორის არქიტექტურული პროექტის სახანძრო უსაფრთხოების მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენის თაობაზე დადებითი პასუხი გაეცა 186 დაპროექტების დოკუმენტზე;
  - „სამოქალაქო უსაფრთხოების შესახებ“ საქართველოს კანონის 32-ე მუხლის პირველი ნაწილის „ი“ ქვეპუნქტის შესაბამისად მიღებული იქნა მონაწილეობა ობიექტებზე ხანძარსაწინააღმდეგო დაცვის სისტემების გამოცდაში, სისტემების გამოცდის შედეგებზე მომზადდა 2 წერილი;
  - სახანძრო უსაფრთხოების მოთხოვნების თაობაზე მოქალაქეებისა და ორგანიზაციებისგან შემოსულ წერილებზე მომზადებული იქნა 108 საპასუხო წერილი;
- ხანძარსაწინააღმდეგო დაცვის მოწყობილობებისა და სისტემების გამოცდა განხორციელდა 117 ობიექტზე;
  - სახანძრო ზედამხედველობის მიმართულებით მოქმედი ცხელი ხაზის საშუალებით მიმდინარეობდა შეხვედრების ორგანიზება და კონსულტაციების გაწევა დაინტერესებული პირებისათვის/ორგანიზაციებისათვის. საანგარიშო პერიოდში განხორციელდა 520 ზარი. ასევე, გაიმართა 200 საკონსულტაციო შეხვედრა;

**1.3 შეფასების ინდიკატორი:** ინციდენტებზე/საგანგებო სიტუაციებზე რეაგირება - საერთაშორისო საძიებო სამაშველო ოპერაციებში მონაწილეობა.

- ურბანული საძიებო სამაშველო ჯგუფისათვის გაეროს საერთაშორისო საძიებო სამაშველო მრჩეველთა ჯგუფის, INSARAG-ის კლასიფიკაციის მინიჭების მიზნით, საანგარიშო პერიოდში განხორციელდა USAR კოორდინატორების თეორიული სწავლება ონლაინ რეჟიმში. აღნიშნულ სწავლებას ესწრებოდა სახანძრო-სამაშველო ძალების დეპარტამენტის 5 წარმომადგენელი;
- საანგარიშო პერიოდში INSARAG მენტორის მიერ განხორციელდა თეორიული სწავლება ქართული USAR ჯგუფისთვის თემაზე "INSARAG-ის ზოგადი პრინციპები". სწავლებას ესწრებოდა სახანძრო-სამაშველო ძალების დეპარტამენტის 35 წარმომადგენელი;
- საანგარიშო პერიოდში განხორციელდა "პირველი მორეაგირის" სწავლება ონლაინ რეჟიმში. სწავლებას ესწრებოდა სახანძრო-სამაშველო ძალების დეპარტამენტის 35 წარმომადგენელი;
- მიმდინარეობდა მოლაპარაკებები ურბანული საძიებო სამაშველო ჯგუფისათვის, ევროკავშირის პროექტ - "SAFE" ფარგლებში, 124 693.28 აშშ დოლარის ღირებულების საძიებო-სამაშველო აღჭურვილობის გრანტის სახით გადაცემის მიზნით. აღნიშნული პროექტის დასრულება დაგეგმილია 2021 წლის ნოემბრის თვეში.

**2. ღონისძიების დასახელება:** საგანგებო სიტუაციების მართვის სფეროში ტექნოლოგიების განვითარება:

**2.1 შეფასების ინდიკატორი:** ინციდენტებზე/საგანგებო სიტუაციებზე რეაგირება და მათი პრევენციისათვის საჭირო ღონისძიებების ელექტრონულ სისტემების შექმნა - ინციდენტების აღრიცხვისა და ოპერაციების მართვის ელექტრონული სისტემა (eFris) და ინტერაქტიული რუკა (maps.es.gov.ge).

- სამსახურის პროგრამის ტემის მიერ შემუშავებულ სახანძრო და სამაშველო ოპერაციების მართვის საინფორმაციო სისტემის (eFris) პლატფორმაზე საანგარიშო პერიოდში მიმდინარეობდა ადამიანური რესურსების მართვის მოდულის ფუნქციონალის განვითარებისა და პილოტირების სამუშაოები, კერძოდ: (1) საკადრო ბრძანებების მოდულში ინტეგრაციის ფუნქციონალის შემუშავება და (2) ადამიანური რესურსების მართვის მოდულთან ინტეგრირებული ტრენინგების აღრიცხვის მოდულის შემუშავება;

საანგარიშო პერიოდში მიმდინარეობდა სამუშაოები საგანგებო სიტუაციების/ ინციდენტების აღრიცხვის მოდულის ფუნქციონალის განვითარებისა და სტატისტიკის მოდულის შემუშავების მიმართულებით;

აგრეთვე, საანგარიშო პერიოდში შემუშავებულია სახანძრო-სამაშველო ტერიტორიული დანაყოფების რეაგირების ძალების რიცხოვნებისა და ტექნიკური აღჭურვილობის განსაზღვრის მოდულის სატესტო ვერსია.

- საანგარიშო პერიოდში მიმდინარეობდა ინტერაქტიულ რუკის (maps.es.gov.ge) ფუნქციონალის დახვეწა/განვითარების სამუშაოები. რუკაზე განახლდა მონაცემები, დაემატა სახანძრო-სამაშველო დანაყოფების გარშემო არეალის მონიშვნის ფუნქციონალი და სხვადასხვა ტიპის შრეები, ასევე შემუშავდა ჰიდრანტების მენეჯმენტის ფუნქციონალი და საძიებო-სამაშველო ღონისძიებების მართვა/მონიტორინგის ინსტრუმენტი.

საანგარიშო პერიოდში აგრეთვე შემუშავებულია:

- მასშტაბური საგანგებო სიტუაციების ხარჯთაღრიცხვის პროგრამა;
- საგანგებო სიტუაციების მართვის სამსახურის შიდა მოხმარების ზოგადი საინფორმაციო პორტალი, რომელიც თავის თავში აერთიანებს სამსახურის თანამშრომლებისათვის საჭირო სხვადასხვა ელექტრონულ სერვისს, მათ შორის სატელეფონო ცნობარსა (pb.es.gov.ge) და ტექნიკური დახმარების ვებგვერდს (support.es.gov.ge);
- GIS ტექნოლოგიების მეშვეობით ციფრული რუკები;

**2.2 შეფასების ინდიკატორი:** ინციდენტებზე/საგანგებო სიტუაციებზე რეაგირება და მათი პრევენციისათვის საჭირო ღონისძიებების ელექტრონულ სისტემების შექმნა - სახანძრო უსაფრთხოების ზედამხედველობის ელექტრონული სისტემა (eFss).

- სამსახურის პროგრამისტების მიერ შემუშავებულია სახანძრო უსაფრთხოების ზედამხედველობის ელექტრონული სისტემა (eFss), რომელსაც საანგარიშო პერიოდში დაემატა შემდეგი ფუნქციონალი: (1) ფორმირებულ წლიურ გეგმაში ცვლილებების შეტანის შესაძლებლობა, (2) განკარგულებაში ცვლილებების შეტანის შესაძლებლობა; (3) მიწერილობის ფორმებში ცვლილებების შეტანის შესაძლებლობა; (4) მიწერილობებისა და განკარგულების ფილტრაციის შესაძლებლობა; (5) განკარგულების ფორმაში 2021 წლის გეგმიდან მონაცემების დამატება; (6) შესაბამისობის აქტის ფორმის ცვლილების შესაძლებლობა; (7) ვიზირების მოდულის მოდიფიკაცია; (8) განკარგულებებში და მიწერილობებში ვიზირების პროგრესის ჩვენება; (9) დასავიზებელი მიწერილობის ვადა გადაცილების ჩვენება; (10) დასრულებული მიწერილობის ავტორთან შეტყობინების გაგზავნა; (11) დრაფტში არსებული მიწერილობების წაშლა ვიზირების გავლით; (12) განკარგულებაში არსებული ობიექტების სტატუსების მინიჭება; (13) დასრულებულ განკარგულებაში ცვლილებების შეტანის შესაძლებლობის დამატება და (14) რეპორტების ფორმის შემუშავება. პარალელურად მიმდინარეობს სამუშაო პროცესში გამოვლენილი ხარვეზების შესწორება;

**3. ღონისძიების დასახელება:** მეხანძრე-მაშველთა თანამედროვე მატერიალურ-ტექნიკური ბაზით უზრუნველყოფა:

**შეფასების ინდიკატორი:** განახლებული მატერიალურ-ტექნიკური ბაზა

- სახანძრო ღონისძიებებზე რეაგირების გაუმჯობესებისა და მეხანძრე-მაშველთა უსაფრთხოების უზრუნველყოფის მიზნით, საანგარიშო პერიოდში სამსახურის მიერ შექმნილ იქნა მეხანძრის საბრძოლო ფორმა;

- საანგარიშო პერიოდში, ასევე, შეძენილ იქნა მეხანძრე-მაშველის ყოველდღიური და ზამთრის ფორმები, ოპერატორი ქალის ფორები, სახანძრო-საზედამხედველო ფუნქციის განმახორციელებელი დეპარტამენტის მოსამსახურეთა ფორმები და მეხანძრე-მაშველის ფორმის ფეხსაცმელი;
- ზაფხულის საკურორტო სეზონთან დაკავშირებით, საანგარიშო პერიოდში, განხორციელდა საზღვაო მაშველების უნიფორმისა და სპეციალიზირებული ფეხსაცმლის შესყიდვა. ასევე, წყალზე სამაშველო აღჭურვილობის იმ ნაწილის შეძენა, რომელიც აუცილებელი იყო საზღვაო სეზონის გასახსნელად;
- საანგარიშო პერიოდში, შეძენილ იქნა 9 600 ლიტრი სახანძრო ქაფი;
- საანგარიშო პერიოდში მეხანძრე-მაშველთათვის შეძენილ იქნა სხვადასხვა სახის აღჭურვილობა, კერძოდ: მაღალი წნევის მყვინთავის ბალონები, კომპრესორის სათადარიგო ნაწილები, ქაფშემრევი, ტვირთამწე მოწყობილობა (ელექტრო ტალი), სამაშველო თოკები და საფრენი აპარატის (დრონი) ელემენტები.

**4. ღონისძიების დასახელება:** სახანძრო-სამაშველო სპეციალური ავტოტრანსპორტის განახლება/მოდერნიზაცია:

**4.1. შეფასების ინდიკატორი:** განახლებული ავტოპარკი

- სამსახურის სახანძრო-სამაშველო ავტოპარკის განახლების მიზნით, საანგარიშო პერიოდში ლაგოდეხის მუნიციპალიტეტის განვითარების პროექტის ფარგლებში მეორადი სახანძრო მანქანის შესასყიდად სამსახურმა მიიღო 77 633 აშშ დოლარის ოდენობის ფულადი გრანტი;

**4.2. შეფასების ინდიკატორი:** განახლებული მცურავი საშუალებების ავტოპარკი

- ზაფხულის საკურორტო სეზონთან დაკავშირებით, ტურისტების უსაფრთხოების უზრუნველყოფის მიზნით, საზღვაო "კატარა 011"-ისათვის შეძენილ იქნა ჩამოსაკიდი ძრავი;

**5. ღონისძიების დასახელება:** სახანძრო-სამაშველო ობიექტების ინფრასტრუქტურის განახლება/მოდერნიზაცია:

**შეფასების ინდიკატორი:** გაუმჯობესებული ინფრასტრუქტურა

- 2018 წელს დაიწყო და მიმდინარეობს ჩოხატაურის სახანძრო-სამაშველო ობიექტის მშენებლობა, რომლის დასრულებაც იგეგმება 2021 წლის ბოლომდე;
- სახანძრო-სამაშველო ავტოპარკის განსათავსებლად დაბა ბაკურიანში აშენდა ავტოფარეხი;
- განხორციელდა ქ. ბოლნისში სახანძრო-სამაშველო შენობის სველი წერტილების და ღობის აღდგენითი სამუშაოები;
- განხორციელდა თბილისში, უცნობ გმირთა ქ. N182 სიმულაციის ოთახის მოწყობის სამუშაოები;
- განხორციელდა საცოცი კედლის მოწყობის სამუშაოები;
- საანგარიშო პერიოდში დაიწყო და მიმდინარეობს დაბა ქედის სახანძრო-სამაშველო შენობის კაპიტალური სარემონტო სამუშაოები;
- საანგარიშო პერიოდში დაიწყო და მიმდინარეობს ოპერატიული მართვის ცენტრის მოწყობის სამუშაოების შესყიდვა;
- საანგარიშო პერიოდში დაიწყო და მიმდინარეობს კასპი-იგოეთის საავტომობილო გზაზე ახალი სახანძრო-სამაშველო შენობის სამშენებლო სამუშაოები, რომლის დასრულებაც დაგეგმილია 2022 წელს;
- საანგარიშო პერიოდში დაიწყო და მიმდინარეობს ქ. სიღნაღში სახანძრო-სამაშველო შენობის სახურავის შეკეთების სამუშაოები;

- განხორციელდა ამბროლაურში, ონში, ტყიბულში, გურჯაანში, წალკასა და ადიგენში მდებარე სახანძრო-სამაშველო შენობების გაზიფიცირების შიდა ქსელის მოწყობის სამუშაოები;
- საანგარიშო პერიოდში დასრულდა სატენდერო პროცედურები ქ. ოზურგეთში საზღვაო სატრანსპორტო აღჭურვილობისთვის ღია ფარდულის მოწყობის სამშენებლო სამუშაოების შესყიდვის მიზნით და გაფორმდა შესაბამისი სახელმწიფო შესყიდვების შესახებ ხელშეკრულება. აღნიშნული სამშენებლო სამუშაოების დასრულება დაგეგმილია 2021 წლის IV კვ-ში;
- სამსახურის ინფრასტრუქტურის გაუმჯობესების მიზნით, საანგარიშო პერიოდში გაფორმდა სახელმწიფო შესყიდვების შესახებ ხელშეკრულება
- სამსახურის ინფრასტრუქტურის გაუმჯობესების მიზნით, საანგარიშო პერიოდში დამუშავდა და გამოცხადდა ელექტრონული ტენდერები დაბა ხულოში მდებარე სახანძრო-სამაშველო შენობის სამშენებლო/სარემონტო სამუშაოების მრავალწლიანი შესყიდვისა და ქ. ბათუმში, ლევან გოთუას ქ. N63 მდებარე სახანძრო-სამაშველო შენობის ტერიტორიაზე სეპტიკის მოწყობის სამუშაოების შესყიდვის მიზნით;

**6. ღონისძიების დასახელება:** სამოქალაქო უსაფრთხოების სფეროში სახელმწიფო მომსახურების განვითარება:

**6.1. შეფასების ინდიკატორი:** სამოქალაქო უსაფრთხოების სფეროში გაწეული მომსახურებების რაოდენობა.

- საანგარიშო პერიოდში გაფორმდა 780 ხელშეკრულება სამოქალაქო უსაფრთხოების სფეროში არსებული სერვისების გაწევის მიზნით, საიდანაც უკვე შესრულებულია 714 ხელშეკრულება. აღნიშნული ხელშეკრულებები მოიცავს ისეთი მომსახურების გაწევას როგორცაა: სახანძრო უსაფრთხოების ზომების შემუშავება, სახანძრო უსაფრთხოების საკითხებზე სპეციალისტის ტექნიკური კონსულტაციების გაწევა და სხვადასხვა ობიექტების სახანძრო უსაფრთხოების სფეროს მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენა და შესაბამისი წინადადებების მომზადება. ამასთან, ამ ხელშეკრულებების ფარგლებში მიღებული შემოსავლები მეტწილად ხმარდება სამსახურის განვითარებას;

**6.2. შეფასების ინდიკატორი:** სამოქალაქო უსაფრთხოების სფეროში გაწეული მომსახურებების რაოდენობა - სერვისების განვითარების მოკლევადიანი და გრძელვადიანი ხედვა.

- სააგენტოში მიმდინარეობს სერვისების განვითარების მოკლევადიან და გრძელვადიან ხედვებზე მუშაობა. დაგეგმილია როგორც სამართლებრივი ბაზის სრულყოფა, ისე სერვისების განაცხადების ელექტრონული წარმოების უზრუნველყოფა. სერვისების სისტემატიური განახლების აუცილებლობიდან გამომდინარე, აღნიშნული ხედვების ფარგლებში მომზადდა „საქართველოს შინაგან საქმეთა სამინისტროს მმართველობის სფეროში მოქმედი საჯარო სამართლის იურიდიული პირის – საგანგებო სიტუაციების მართვის სააგენტოს მიერ სამოქალაქო უსაფრთხოების სფეროში სამუშაოების შესრულების და მომსახურების გაწევის სახეებისა და საფასურის განსაზღვრის წესის დამტკიცების შესახებ“ საქართველოს მთავრობის 2016 წლის 24 მარტის N138 დადგენილებაში ცვლილებების შეტანის პროექტი, რომელიც წარდგენილია შინაგან საქმეთა სამინისტროში მთავრობაში გადასაგზავნად

**7. ღონისძიების დასახელება:** სახელმწიფო მატერიალური რეზერვების შექმნა და მართვა.

**7.1. შეფასების ინდიკატორი:** სახელმწიფო რეზერვების მიმართულებით შემუშავებული ნორმატიული ბაზა.

- ნორმატიული დოკუმენტების ევროსტანდარტებთან შესაბამისობაში მოყვანის ფარგლებში, მიმდინარეობდა მუშაობა სახელმწიფო რეზერვში ჩასაწყობი მატერიალური ფასეულობების ახალი ნომენკლატურის შესამუშავებლად, რისთვისაც, „ნატო“-ს ოფისის და უცხოელი ექსპერტების ჩართულობით, მომზადდა სახელმწიფო რეზერვების სისტემის განვითარების კონცეფცია.

**7.2 შეფასების ინდიკატორი:** სახელმწიფო რეზერვების ბაზის განახლება და შევსება.

- საანგარიშო პერიოდში მიმდინარეობდა მუშაობა სახელმწიფო რეზერვების მატერიალურ ფასეულობათა ოპერაციების წარმოების ფარგლებში უიმედო დებიტორული და კრედიტორული დავალიანებების დადგენილი წესით ბალანსიდან მოხსნისა და ჩამოწერის თაობაზე;
- „სააგენტოს ბალანსზე რიცხული გამოუსადეგარ (ზღვრულ) მდგომარეობამდე მიყვანილი, გამოუყენებელი ან დაკარგული ქონების ჩამოწერის მიზნით“, სააგენტოში შეიქმნა კომისია, რომლის მიზანია სააგენტოს ბალანსზე ასახული ნაშთების დაზუსტება;

**7.3 შეფასების ინდიკატორი:** სახელმწიფო რეზერვების ბაზის მარაგების კონტროლი.

- საანგარიშო პერიოდში მიმდინარეობდა გეგმიური და საკონტროლო შემოწმებების მოსამზადებელი სამუშაოები სახელმწიფო რეზერვში რიცხული იმ მატერიალური ფასეულობებისა, რომლებიც ჩაწობილია სხვადასხვა ორგანიზაციებსა და უწყებებში;
- საანგარიშო პერიოდში განხორცილდა საპასუხისმგებლო შენახვაზე განთავსებული სახელმწიფო რეზერვების მატერიალური ფასეულობების რაოდენობრივი და თვისობრივი მდგომარეობის საკონტროლო შემოწმება.